



Халқ сўзи

Ўзбекистон — келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2018 йил 24 март, № 56 (7014)

Шанба

Сайтимиёга ўтиш учун QR-кодни телефонингиз орқали сканер қилинг.



ҚИШЛОҚ ХЎЖАЛИГИДАГИ ИШЛАР НАТИЖАДОРЛИГИ МУҲОКАМА ҚИЛИНДИ

Ўзбекистон Республикаси Президенти Шавкат Мирзиёев раислигида 23 март куни қишлоқ хўжалигини жадал ривожлантириш ва ислохотларни чуқурлаштириш бўйича ишлар натижадорлигига бағишланган йиғилиш бўлиб ўтди.

Видеоселектор тарзида ўтказилган йиғилишда Бош вазир, унинг ўринбосарлари, тегишли вазирлик ва идоралар мутасаддилари, Қорақалпоғистон Республикаси раҳбарияти, вилоятлар ҳокимлари иштирок этди.

Мамлакатимиз қишлоқ хўжалиги соҳасида кенг қўламли ислохотлар амалга оширилмоқда. Экинлардан мўл ва сифатли ҳосил олиш, соҳанинг моддий-техника базасини мустаҳкамлаш, замонавий техника ва агрегатлар билан таъминлашга алоҳида эътибор қаратишмоқда.

Йиғилишда юқори ҳосилдорликка эришишда агротехник тадбирларни ўз вақтида ва сифатли ўтказиш муҳимлиги қайд этилди. Ўз вақтида минерал ўғит берган ва сугорган фермерларнинг далаларида галланинг ҳолати кўриққили бўлиб, барвақт ривожланмоқда.

Шунга қарамай, мамлакатимиз бўйича бир неча минг гектар майдонда галла етиштириш кечикмоқда. Жумладан, Тошкент, Жиззах, Сурхондарё, Қашқадарё, Бухоро ва Наманган вилоятларидаги айрим галла майдонларида шундай ҳолатлар мавжуд.

Бунинг асосий сабаби — вилоят ва туманлардаги раҳбарлар ва ирригация тизими ходимлари сувдан самарали фойдаланиш ишларини тўғри ташкил этмаган. Оқибатда галлага ажратилган сувнинг катта қисми бошқа экинларни сугоришга сарфланмоқда. Жойлардаги ҳокимлар ва ирригация тизими раҳбарлари сувдан самарали фойдаланиш, экин майдонларини ўз вақтида сугориш бўйича ишларини тўғри ташкил этиш топширилди.

Мажлисда галлани баргидан озиклантириш, яъни суспензия селиши, галла майдонларига маҳал-

лий ўғит солишда белгиланган меъёрларга амал қилиш ҳосилдорликнинг ошишида муҳим роль ўйнаши қайд этилди. Бу муҳим агротехник тадбир минерал ўғитлар самарадорлигини 6 — 8 баробар оширади ва ўсимликнинг сувга бўлган талабини 20 — 25 фоизгача камайтириш имконини беради.

Қорақалпоғистон Республикаси Вазирлар Кенгаши, вилоятлар ҳокимликлари гаалла майдонларига ҳимоя воситалари, жумладан, фунгицид аралашмаси селишни 30 мартгача тўлиқ якунлаш, галла майдонларига март ойида яна бир марта ва апрель ойида камда икки марта суспензия селишни қатъий назоратга олиш вазифаси юклатди.

Йиғилишда галла ўрими-йиғими-га тайёргарлик масаласи ҳам муҳокама қилинди. Мавсумга тайёргарлик юзасидан техника воситалари сочилини таъминлаш, мавжуд комбайнларни техник кўриқдан ўтказиш кўзда тутилган. Бу борадаги мавжуд камчиликларни қисқа фурсатларда бартараф этиш бўйича мутасаддиларга тегишли топшириқлар берилди.

Йиғилишда чигит экишни сифатли ўтказиш ва тўлиқ кўчат олиш масаласи ҳам муҳокама қилинди. Таъкидланганидек, жорий йилда 1 миллион 71 минг гектардан ортиқ майдонга чигит экиш белгиланган. Бу 2017 йилдагига нисбатан 135 минг, 2016 йилдагига нисбатан эса 184 минг гектар камдир. Кам ҳосил берадиган пахта майдонларини қисқарттириш ҳисобига хариддоригир сабзавот ва полиз экинлари экиш белгиланди.

Чигит экиш мавсумини қисқа муддатда ўтказиш, тўлиқ ва соғлом кўчат ундириб олиш учун ҳудудларда жами 3 минг 432 та ер тайёрлаш ва чигит экиш отряди ташкил

қилинган. Жорий йилда ёнғингарчилик нисбатан кам бўлаётгани сабабли чигитни тупроқнинг табиий намига ундириб олиш керак. Бунинг эвазига 1 миллиард метр куб сув тежалди. Бугун Сурхондарё ва Қашқадарё вилоятларида тупроқда етарли ҳарорат бўлиб, чигит экиш учун жуда қўлай ва оптимал шароит юзага келган.

Лекин бугунгача Сурхондарёда, бор-йўғи, 8 минг гектар ёки 11 фоиз, Қашқадарёда эса 5 минг гектар ёки 3,5 фоиз майдонга чигит экилган. Қўлиқ экиш суръати ҳам 1 фоиз атрофида бўлмоқда. Ваҳоланки, ушбу ҳудудларда чигит экишининг кечикиб кетиши — гўзанин ҳосил тўплаш даври айнан иссиқ кўнларга тўғри келиб, ҳосилнинг катта қисмини гармселга ёки ҳашаротга олдириб қўйишга сабаб бўлиши барчага маълум.

— Энг асосийси, қишлоқ хўжалигида барча муаммоларни бир-ма-бир ечиб, бир тонна пахтанинг ўртача нарҳини 3 миллион 250 минг сўм қилиб белгилаб қўйдик. Энди ҳар йилги “чигит экишга маблағ етмайпти, ёқилги йўқ” деган баҳонага ўрин қолмади, ажратилаётган маблағлар барча тадбирлар учун етди, — деди давлатимиз раҳбари.

Пахта ва галла етиштиришни молиялаштириш масаласи ҳам диққат марказида бўлди. Мавсум давомида фермерларга ўзгармас ва чекланган нархда минерал ўғит ва ёқилги-мойлаш маҳсулотлари етказиб бериш зарурлиги таъкидланди. Яқинда қабул қилинган қарорга мувофиқ, пахта-галланинг харид нарҳини ҳаражатларни қоплайдиган ва фойдани таъминлайдиган қилиб белгилаб берилди. Шунингдек, жорий йил пахта ҳосили учун ажратилаётган имтиёзлик кредит 6 триллион сўмни ташкил этиб, бу ўтган йилдагига нисбатан

3 баробар кўпдир. Энг асосийси, фермерларга бериладиган имтиёзли кредитларда минерал ўғит ва ёқилги-мойлаш маҳсулотлари учун ҳаражатларни 100 фоиз қоплайдиган миқдорда маблағлар кўзда тутилган.

— Илгари имтиёзли кредит аниқ йўналиш бўйича ажратилиб, фермер ўз пулини мустақил сарфлай олмасди. Энди эса кредитларни тақсимлаш фермерларнинг буортмалари асосида туман даражасида ҳал қилинади, — деди Президент. — Фермерга фақат зарар олиб келаётган, ҳосилдорлиги 15 центнердан паст бўлган ерларга пахта экишдан мутлақо воз кечдик. Эндиликда бундай майдонларга юқори даромадли экспорт-роқ экинлар экилади.

Йиғилишда томорқалардан самарали фойдаланишни ташкил этишга ҳам алоҳида эътибор қаратилди. Ўзбекистон Фермерлар кенгаши фаолияти талабга жавоб бермагани учун тугатилиб, унинг ўрнига Ўзбекистон Фермер, деҳқон хўжаликлари ва томорқа ер эгалари кенгаши ташкил этилди. Кенгашнинг аҳоли ва деҳқон хўжаликларига тегишли унмдор томорқа ерларидан фойдаланишни ташкил этиш бўйича ишлари мутлақо талабга жавоб берадиган таъкидланди. Маҳаллий ҳокимликлар ҳам бу соҳага етарли эътибор қаратмаётгани кўрсатиб ўтилди.

Яқинда Бухоро, Навоий ва Самарқанд вилоятларида томорқа ер майдонларидан фойдаланиш ҳолати ўрганилгани қайд этилди. Ушбу вилоятларнинг баъзи туманларида томорқа ерларидан самарали фойдаланилмаётгани аниқланган. Аксарият аҳолининг 8 — 10 сотих томорқа ери бўлса-да, ҳеч нарса экмаган.

Давлатимиз раҳбари кичик

томорқадан мўл ҳосил олиб, оила-сини боқайтган, катта даромад толайтган меҳнатсевар одамларни ўрнат қилиб кўрсатди.

— Чўп сўқсанг, кўкарайдиган еримиз бор, меҳнатсевар халқимиз бор. Лекин томорқа ерларидан — шундай катта резервдан фойдаланмаёмиз. Шунинг учун бугундан бошлаб “Томорқага экин экиш” ойланини эълон қилиб, ҳар бир томорқага экин экишни ташкил этиш керак. Агар ҳозир экмасак, кейин кеч бўлади, — деди Шавкат Мирзиёев.

Бу борада аҳолига кўмаклашиш мақсадида барча туманларда “Томорқа хизмати” қорхоналарини ташкил этиш, улар орқали томорқалар учун кўчат, минерал ўғит, кимёвий препаратлар етказиб бериш, механизация ва бошқа сервис хизматлари кўрсатиш бўйича тизим яратиш юзасидан топшириқ берилди. Шу хизматлар етиштирилган ҳосилни харид қилиш, қайта ишлаш, сақлаш ва экспорт қилиш билан ҳам шуғулланади.

Йиғилишда мева-сабзавот, картошка, узум ва полиз маҳсулотлари етиштириш билан боғлиқ ишлар ҳам муҳокама қилинди. Жорий йилда 2017 йилдагига нисбатан 24 фоиз кўп маҳсулот етиштириш режалаштирилгани қайд этилди.

Ушбу режадаги мева-сабзавотларни сифатли етиштириш, халқ истеъмоли учун галлаш, белгиланган қисмини экспорт қилишни таъминлаш бўйича кўрсатмалар берилди.

Йиғилишда юқорида қайд этилган камчиликларни ўз вақтида бартараф этиш, барча турдаги экинлардан мўл-қўл ҳосил олиш юзасидан мутасаддиларга тегишли кўрсатма ва топшириқлар берилди.

Ў.А.

АФҒОНИСТОН ПРЕЗИДЕНТИНИНГ ЎЗБЕКИСТОНГА ТАШРИФИГА ДОИР

Ўзбекистон Республикаси Президенти Шавкат Мирзиёевнинг таклифи биноан Афғонистон Ислам Республикаси Президенти Муҳаммад Ашраф Ғани 2018 йил 26 март куни амалий таширф билан Тошкент шаҳрига келади.

Икки давлат раҳбарлари 27 март куни «Тинчлик жараёни, хавфсизлик соҳасида ҳамкорлик ва минтақавий шериклик» мавзусида Афғонистон бўйича юқори даражадаги халқаро конференцияда иштирок этади ва сўзга чиқади.

Таширф дастурида Ўзбекистон Президенти Шавкат Мирзиёев ва Афғонистон Президенти Муҳаммад Ашраф Ғани музокара ўтказиши ҳам кўзда тутилган.

Ў.А.

Анжуман

Афғонистон бўйича Тошкент халқаро конференцияси юқори савияда ўтказилади

Президентимиз Шавкат Мирзиёев ташаббуси билан шу йилнинг 26-27 март кунлари “Тинчлик жараёни, хавфсизлик соҳасида ҳамкорлик ва минтақавий шериклик” мавзусида Афғонистон бўйича юқори даражадаги Тошкент халқаро конференцияси бўлиб ўтади. Кеча пойтахтимиздаги Симпозиумлар саройида ушбу нуфузли анжуманнинг матбуот маркази очилишига бағишланган тадбир бўлиб ўтди.

Унда турли вазирликлар ҳамда идоралар масъул вакиллари, маҳаллий ва хорижий оммавий ахборот воситалари ходимлари, сиёсатшунослар, экспертлар қатнашди.

Анжуманда “Ўзбекистон ҳамда Афғонистон халқлари ўртасидаги тарихий, маданий ва цивилизациявий яқинлик”, “Ўзбек — афғон муносабатлари: ривожланишнинг янги босқичи”, “Афғонистондаги можарони тинч йўл билан ҳал қилиш бўйича халқаро ташаббуслар” каби мав-



(Давоми 3-бетда).

Ўзбекистон Республикаси Президентининг ҚАРОРИ

БАНК ХИЗМАТЛАРИ ОММАБОПЛИГИНИ ОШИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

Амалга оширилаётган ислохотлар натижасида банк тизимида хизматлар кўрсатишнинг бозор механизмлари жорий этилмоқда, уларнинг турлари кенгаймоқда, тадбиркорлар ва аҳоли учун молиявий очиклик ошиб бормоқда.

Аҳоли учун валюта айирбошлаш амалиётларини амалга оширишни энгиллаштирувчи янги банк хизматлари жорий этилди, яқка тартибдаги тадбиркорлар томонидан чет эл валютасини сотиб олиш учун имкониятлар яратилди.

Шу билан бирга, банк хизматлари истеъмолчиларининг ҳуқуқ ва қонуний манфаатларига, айниқса, ҳудудларда роя этиш ҳамда молиявий очиклигини кенгайтириш, шунингдек, хизмат кўрсатиш маданияти ва банк тизими бўлган ишонччи янада оширишда бир қатор муаммо ва камчиликлар кузатишмоқда. Хусусан:

биринчидан, кредитларни ажратиш бўйича қарор қабул қилишда ваколатлар ҳаддан ташқари марказлашганлиги бош банклар ва уларнинг филиаллари ўртасидаги жавобгарликнинг аниқ чегараланишига тўққилиқ қилмоқда;

иккинчидан, кредит бўртмаларини кўриб чиқишнинг мураккаб механизмлари кредитларни тезкор олиш имкониятларини чегараламоқда;

учинчидан, тижорат банклари томонидан микроқарзлар ажратилиши имкониятини мавжуд эмаслиги микроқарзларни олиш даражасини оширишни таъминламайпти, микрокредит ташкилотлар ва ломбардларнинг хизматлари бўйича юқори фоиз ставкалари аксарият ҳолатларда истеъмолчиларнинг молиявий ҳолати ёмонлашишига олиб келмоқда;

тўртинчидан, чакана банк хизматлари

бозорининг паст даражада ривожланганлиги ва мижозлар билан ҳамкорлик муносабатларини йўлга қўйишнинг замонавий ёндашувлари мавжуд эмаслиги ортиқча бюрократия ва сансалорлик учун замин яратмоқда;

бешинчидан, банк карталари асосида нақд пулсиз ҳисоб-китобларни амалга ошириш бўйича давлат процессинг ташкилотининг мавжуд эмаслиги чакана тўлов тизимларнинг хавфсизлик, узулсизлик ва ишончлилик даражасига таъсир кўрсатмоқда ва аҳолининг кенг қатламлари учун очик инновацион лойиҳаларни амалга оширишда замонавий технологик ечимларни илгари суришга тўққилиқ қилмоқда;

олтинчидан, кредитларни (микроқарзларни) кўриб чиқиш ва ажратиш учун хизмат ҳақлари ва бошқа тўловларнинг ундирилиши қарзнинг реал қиймати ошишига олиб келмоқда;

олтинчидан, шартномаларга хизматлар учун тарифлар, ажратилган кредитлар ва қабул қилинган депозитлар бўйича фоиз ставкаларни бир томонлама ўзгартиришни назарда тутувчи шартларни киритиш, шунингдек, бир хизматни қўшимча хизматдан фойдаланиш шарти билан кўрсатиш банк хизматлари истеъмолчиларининг ҳуқуқларини бузмоқда;

саккинчидан, банк тўлов карталаридан чет эл валютасини ечиш бўйича чекловларнинг мавжудлиги ва банкматлар сонининг етарли эмаслиги валюта айирбошлаш амалиётларини амалга оширишда хизмат кўрсатишни талаб даражасида таъминламайпти.

(Давоми 2-бетда).

Эксклюзив интервью

Памела СПРАТЛЕН: «БИЗ ПРЕЗИДЕНТ ШАВКАТ МИРЗИЁЕВНИНГ МИНТАҚАДАГИ ТАШАББУСЛАРИ ВА ФАОЛИГИНИ ҚўЛЛАБ-ҚУВВАТЛАЙМИЗ»

Ўтаётган сўнги икки йилда Ўзбекистон ташқи сиёсати принципиал жиҳатдан мутлақо янгича қиёфа касб этди. Мазкур стратегик фаолият минтақада яхши қўшничилик ва ҳамжihatлик муҳитини чуқур қарор топтириш, узок-яқин давлатлар билан тинчлик, дўстлик, ҳар томонлама конструктив сиёсий мулоқот ҳамда прагматик иқтисодий ҳамкорлик олиб боришдек халқароварлик, тинчликсеварлик мезонларига асосланади.

Зеро, ташқи сиёсатга бундай ёндашув бугун ва келажак нўхтай назаридан улкан тарихий аҳамиятга эга бўлиб, нафақат сиёсий, ижтимоий-иқтисодий, маданий-гуманитар соҳалар тараққийини юксак босқичга олиб чиқади, балки халқларимиз дунёқарашини, тафаккурини мутлақо ўзгартириб, ўзаро муносабатларда мустаҳкам ишонч муҳитини шакллантиради. Таъбир жоиз бўлса, Ўзбекистон ташаббуслари минтақа сиёсий ҳаётига янгилашни нафасини олиб кирапти.

Эътиборлиси, Ўзбекистон ва АҚШ ўртасидаги ўзаро ҳамкорлик ҳам ана шундай замонавий асосида изчил сўраётларда ривожланаётди. Президентимиз Шавкат Мирзиёевнинг ушбу давлат раҳбари Дональд Трамп билан учрашуви, телефон орқали мулоқоти, энг долзарб масалаларда ўзаро фикр алмашилгани, АҚШ томонидан Ўзбекистоннинг минтақадаги, жумладан, Афғонистон бўйича ташаббуслари ҳар томонлама қўллаб-қувватланаётгани бунинг ёрқин тасдиқидир.

АҚШнинг Ўзбекистондаги Факулдда ва мухтор элчиси Памела Спратлен билан уюштирган суҳбати-



мизда бу борадаги ҳамкорлик алоқалари, унинг истиқболлари, минтақавий масалаларда ўзаро муҳокамаларни чуқурлаштириш каби йўналишлар ҳақида сўз борди.

— Америка Қўшма Штатлари ва Ўзбекистон

ўзаро манфаатдорлик ҳамда ҳурматга асосланган кенг қўламли, икки томонлама муносабатларга эга. Биз мамлакатнинг мустақиллиги, суверенитети ва ҳудудий яхлитлигини ҳамisha қўллаб-қувватлаб келамиз. Ҳукуматимизнинг мазкур мамлакатга эътибори ортгани ҳамда Президент Шавкат Мирзиёев томонидан амалга оширилаётган сиёсат шарофати билан ўзаро фойдали масалаларда ҳамкорлик қилиш бўйича катта имкониятларни кўраёмиз.

(Давоми 2-бетда).

Эксперт фикри

Тинчлик ва хавфсизликни таъминлаш йўлида амалий саъй-ҳаракатлар

Президентимиз Шавкат Мирзиёев томонидан яқин кўшнилари билан конструктив ва ўзаро манфаатли муносабатлар ўрнатиш, минтақавий хавфсизлик ва барқарорликни мустаҳкамлаш Ўзбекистон ташқи сиёсатининг устувор йўналиши сифатида белгилаб берилди.

Марказий Осиёда ишонч муҳитини қарор топтириш йўлида амалга оширилган саъй-ҳаракатлар Тошкентга чегара ҳамда сувдан фойдаланиш сингари мураккаб ва нозик масалаларда туб бурилиш яшаш имконини берди. Бу муаммолар йиллар давомида ечилмасдан, минтақадаги тангаликка сабаб бўлаётган эди. Ўтган йили Ўзбекистоннинг қўшни давлатлар билан ўзаро товар айирбошлаш ҳажми 20 фоиз ўсиб, қарий 3 миллиард АҚШ долларига өтди. Президентимиз Марказий Осиё давлатлари раҳбар-

ларининг Остона шаҳрида бўлиб ўтган маслаҳат учрашувида яқин йилларда ўзаро савдо ҳажмини 5 миллиард АҚШ долларига етказиш мўлжалланаётгани таъкидланди.

Айни пайтда минтақадаги барқарорлик ҳамда изчил тараққийёт бевосита қўшни Афғонистонда тинчлик ва осойишталик қарор топши билан узвий боғлиқдир. Бинобарин, ушбу мамлакат Марказий Осиёнинг ажралмас қисми бўлган ҳамда шундай бўлиб қолажак. Президентимиз Марказий Осиё давлатлари раҳбар-

(Давоми 3-бетда).

Ўзбекистон Республикаси Президентининг Қ А Р О Р И

БАНК ХИЗМАТЛАРИ ОММАБОПЛИГИНИ ОШИРИШ БЎЙИЧА ҚЎШИМЧА ЧОРА-ТАДБИРЛАР ТЎҒРИСИДА

(Давоми. Бошланғич 1-бетда).

Кўрсатиб ўтилган муаммоларни бартараф этиш, банк хизматлари истеъмолчиларининг ҳуқуқларини ҳимоя қилишни таъминлаш механизмларини янада такомиллаштириш ва инновацион ривожланишнинг тенденцияларини инобатга олган ҳолда молиявий очиқлик даражасини ошириш, шунингдек, 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегиясида белгиланган вазифаларни амалга ошириш мақсадида:

1. Белгилансинки, банк хизматларининг оммабоплигини оширишни таъминлаш ва банк хизматлари истеъмолчиларининг ҳуқуқларини ҳимоя қилиш Ўзбекистон Республикаси Марказий банкининг асосий вазифаларидан бири ҳисобланади.

2. Ўзбекистон Республикаси Марказий банкининг таркибий тузилмасида банк хизматлари истеъмолчиларининг ҳуқуқлари ва қонуний манфаатларини ҳимоя қилишни таъминлаш, молиявий очиқликни ва аҳоли ҳамда тадбиркорлик субъектларининг молиявий саводхонлигини ошириш асосий вазифалари бўлган Банк хизматлари истеъмолчиларининг ҳуқуқларини ҳимоя қилиш ташкил этилганлиги маълумот учун қабул қилинсин.

Ўзбекистон Республикаси Марказий банки банк хизматлари истеъмолчиларининг ҳуқуқларини ҳимоя қилиш вазифаларини бажаришда:

банк тизимида тизимли камчиликлар ва банк хизматлари истеъмолчиларининг ҳуқуқлари бузилишларини аниқлаш, шунингдек, уларнинг олдини олишга;

банк хизматлари истеъмолчилари ҳуқуқларининг бузилишига йўл қўйган кредит ташкилотларига нисбатан жавобгарлик чоралари кўрилушини таъминлашга;

банк хизматлари истеъмолчиларининг бузилган ҳуқуқларини тиклашда маслаҳат бериш ва кўмаклаштиришга;

молиявий очиқлик даражасини ошириш ва банк хизматлари истеъмолчиларининг саводхонлигини оширишга алоҳида эътибор қаратсин.

3. Белгилансинки, 2018 йил 1 июндан тижорат банклари:

дастлабки рўқсатларсиз ва шахсни тасдиқловчи ҳужжатларсиз мижозларга бевосита хизмат кўрсатиш ҳудудига тўқтинмас кириш;

мижозларни дастлабки қабул қилиш маъмурият ходимларидан кўрсатилаётган банк хизматлари тўғрисида дастлабки маслаҳатларни олиш;

кредит (микрораз) бериш тўғрисидаги қарорни қабул қилишнинг босқичма-босқич жараёнини ва кредит (микрораз) бериш тўғрисида хабардор қилиш ёки уни беришни асосли рад этиш тартибини кўрсатган ҳолда кредит буюртмаларини шаффофлик асосида рўйхатдан ўтказиш ва кўриб чиқиш учун шароитларни яратад.

4. Кредит ташкилотларига: микрораз шартномалари, шунингдек, ломбардлар томонидан тузилган кредит шартномалари бўйича йиллик қарз суммасининг яридан кўп миқдорда фойзалар ҳисоблаш, комиссия ундириш ва неустойка (штраф, пеня), жавобгарликнинг бошқа чораларини қўллаш;

кредит буюртмаларини кўриб чиқиш, ссуда ҳисоб рақамларига хизмат кўрсатиш, кредитлар ажратиш учун тўловлар, шунингдек, жисмоний шахслар ва кичик тадбиркорлик субъектлари томонидан кредитлар (микроразлар)ни муддатидан илгари қоплаш учун неустойка ундириш тақиқланади.

5. Тижорат банкларига: банк фаолиятининг илгор халқаро тажрибасини ўрганиш ва банк хизматлари ва маҳсулотларининг янги турларини жорий этиш;

банк хизматларига бўлган талаб ва ўзини қоплашни инобатга олган ҳолда банк филиаллари ва минибанклари тармоғини кенгайтириш;

филиалларнинг кредит ажратишда бош банклар билан қўшимча келишувсиз мустақил қарорлар қабул қилиш бўйича ҳуқуқларини кенгайтириш тавсия этилсин.

6. Ўзбекистон Республикаси Марказий банки:

а) 2018 йил 1 апрелга қадар Ўзбекистон Республикаси ҳудудига жисмоний шахслар томонидан халқаро тўлов карталарига сотиб олинган хорижий валютани тижорат банклари томонидан белгиланган лимитлар доирасида нақд шаклда ечи олиш механизмни жорий этсин;

б) 2018 йил 1 апрелга қадар тижорат банклари билан биргаликда хорижий валютанинг олди-сотди операцияларини амалга ошириш ва халқаро тўлов карталаридан пул маблағларини хорижий ва миллий валютадаги муддатли омонатларга ўтказишни таъминловчи жисмоний шахсларнинг ҳисобварақларини масофадан туриб бошқариш тизимини жорий этсин;

в) 2018 йил 1 майга қадар: банк хизматлари истеъмолчилари билан ўзаро муносабатлар амалга оширилишида тижорат банклари фаолиятига қўйиладиган минимал талаблар тўғрисидаги низомни ишлаб чиқсин ва тасдиқласин;

тижорат банкларига микроқарзлар ажратиш ҳуқуқи берилишини назарда тутувчи қонун ҳужжатларига ўзгартиш ва қўшимчалар тўғрисида Вазирлар Маҳкамасига тақлифлар киритсин;

банк хизматлари истеъмолчиларининг ҳуқуқлари кредит ташкилотлари томонидан бузилган тақдирда уларга нисбатан Марказий банк томонидан санкциялар қўлланилиши юзасидан норматив-ҳуқуқий ҳужжатларга қўшимчалар киритсин;

потенциал қарз олувчининг кредитга лаёқатлилик даражасини баҳолаш ҳамда жисмоний шахсларга ва кичик тадбиркорлик субъектларига кредитлар (микроразлар) ажратиш муддатларини қисқартириш имконини берувчи тижорат банклари томонидан ўз скоринг моделини яратиш имконига эга бўлган кредит бюросида скоринг моделининг мавҳудлиги бўйича талаб ўрнатилишини назарда тутувчи низомни ишлаб чиқсин ва тасдиқласин;

г) 2018 йил 1 июлга қадар Ўзбекистон Республикаси Президентини ҳузуридаги Лойiha бошқаруви миллий агентлиги билан биргаликда банклар — маҳаллий ва халқаро банк карталари бўйича ҳисоб-китоблар иштирокчилари ўртасида ахборот ва технология ўзаро муносабатларини таъминловчи ҳамда асосий вазифалари қўйиладиган эътибор берилган Миллий банк процессинг марказини яратиш Концепциясини ишлаб чиқсин; транзакцияларнинг хавфсиз ва узлуксиз амалга

оширилишини таъминловчи миллий чакана тўлов тизимини тузиш ва ривожлантириш;

қулай тўлов хизматларини яратиш ва ривожлантириш; нақд пулсиз тўловларни амалга оширишда инновацион маҳсулотларни, шу жумладан, бевосита мулкотсиз ва мобил технологияларни ривожлантириш ҳамда илгари суриш;

бевосита мулкотсиз ва мобил технологияларни, биринчи навбатда, ижтимоий-маиший хизмат кўрсатиш, транспорт, савдо, умумий овқатланиш соҳаларида, айниқса, ҳудудларда жорий этиш;

халқаро тўлов тизимлари билан ўзаро ҳамкорликни таъминлаш;

д) 2018 йил 1 июлга қадар Ўзбекистон банклари ассоциацияси ва тижорат банклари билан биргаликда норезидентларнинг тўлов карталари барча тўлов терминаллари тармоғи орқали қабул қилинишини таъминловчи маҳаллий тўлов тизимларини асосий халқаро тўлов тизимлари билан интеграциялаш жараёнини тугалласин;

е) 2018 йил 1 ноябрга қадар тижорат банклари билан биргаликда туристлар кўпроқ борадиган жойларда қону тун режимида ишловчи автоматлаштирилган валюта айирбошлаш шохобчалари ташкил этилишини таъминласин.

7. Ўзбекистон банклари ассоциациясига банк хизматлари оммабоплигини ошириш ва банк фаолиятини такомиллаштиришдаги ролини кучайтиришга қаратилган, шу жумладан, қўйидагиларни назарда тутувчи чора-тадбирлар дастурини ишлаб чиқиш ва уни амалга ошириш тавсия этилсин:

Ўзбекистон банклари ассоциацияси фаолияти самарадорлигини янада ошириш Концепциясини тасдиқлаш;

банк тизими ходимларининг касбий маҳоратини ошириш, илгор халқаро тажрибадан келиб чиқиб хорижий банклар билан тажриба алмашишни йўлга қўйиш;

маҳаллий давлат ҳокимияти органлари билан биргаликда хорижий мутахассисларни жалб қилган ҳолда аҳолининг молиявий саводхонлигини ошириш юзасидан тадбирларни амалга ошириш;

банк хизматлари оммабоплигининг долзарб муаммолари, халқаро тажрибани ўрганиш ва уни республика банк хизматлари бозорида қўллаш юзасидан тақлифлар ишлаб чиқиш, банклар ва уларнинг мижозлари учун ахборот-таҳлилий ва консалтинг хизматларини ташкил этиш юзасидан мавзуга оид изланишлар олиб бориш;

масофавий банк хизматлари кўрсатишни ривожлантириш бўйича замонавий ва илгор банк хизматларини амалиётда рўйбга чиқариш ташаббусларини илгари суриш, янги ахборот технологияларини жорий этиш;

банк хизматларининг янги турлари ва маҳсулотларини аниқлаш ҳамда уларни кейинчалик республика банкларида татбиқ этиш мақсадида илгор чет эл банкларининг фаолиятини ўрганиш.

8. Ўзбекистон Республикаси Ахборот технологиялари ва коммуникацияларини ривожлантириш вазирлиги Ўзбекистон Республикаси Марказий банки ва бошқа манфаатдор идоралар билан биргаликда 2019 йил 1 январга қадар муддатда:

жамғариб бориладиган пенсия тизимидаги фуқаролар учун ҳисобланган маблағлар;

Ўзбекистон Республикаси Молия вазирлиги ҳузуридаги бюджетдан ташқари Пенсия жамғармасига фуқароларнинг ҳисобланган сугурта бадаллари; солиқ ва бошқа мажбурий тўловлар бўйича ҳисобланган қардорликлар;

идентификациялаш учун жисмоний шахслар ва тадбиркорлик субъектлари; жисмоний шахсларнинг мулки ва бошқа олган даромадлари;

юридик шахсларнинг молиявий ҳолати тўғрисидаги ахборотларни олиш имконини берувчи давлат органлари ва кредит бюро ўртасида маълумотларни қайта ишлаш ва электрон алмашиш Ягона идоралараро ахборот тизимини яратсин.

9. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари тижорат банкларига филиаллар, минибанклар ва автоматлаштирилган валюта айирбошлаш шохобчаларини ташкил этишга зарур бўлган ер участкаларини ўрнатилган тартибда ажратишда кўмаклашин.

10. Ўзбекистон Республикаси Марказий банки, Ўзбекистон банклари ассоциацияси ва тижорат банклари томонидан ишлаб чиқилган банкномалар тармоғини қўшимча кенгайтиришнинг 2018 йилга мўлжалланган прогноз кўрсаткичлари 1-иловага мувофиқ маълумлансин.

11. Тижорат банклари ва процессинг ташкилотлари томонидан олиб қилинадиган божхона тўловлари тўлашдан (божхона расмийлаштируви йиғимларидан ташқари) 2020 йил 1 январгача бўлган муддатга озод этиладиган ускуналар, дастурий таъминот, тўлдирувчи ва бошқа материаллар рўйхати 2-иловага мувофиқ тасдиқлансин.

12. Вазирлар Маҳкамаси манфаатдор вазирлик ва идоралар билан биргаликда Ўзбекистон Республикаси Вазирлар Маҳкамаси ҳузуридаги Тадбиркорлик фаолиятини ривожлантиришни қўллаб-қувватлаш давлат жамғармаси томонидан тақдим этиладиган тадбиркорлик субъектларини молиявий қўллаб-қувватлашнинг амалдаги механизмни банк кредитлари бўйича фоизли харажатларнинг айрим қисмларини қоплашда республика ҳудудларининг ижтимоий-иқтисодий ҳолатидан келиб чиққан ҳолда табақалаштирилган ёндашув услубини қўллаш асосида қайта кўриб чиқсин.

13. Ўзбекистон Республикаси Марказий банки Адлия вазирлиги ҳамда бошқа манфаатдор идоралар билан биргаликда бир ой муддатда қонун ҳужжатларига мазкур қарордан келиб чиқадиган ўзгариш ва қўшимчалар тўғрисида Ўзбекистон Республикаси Вазирлар Маҳкамасига тақлифлар киритсин.

14. Мазкур қарорнинг ижросини назорат қилиш Ўзбекистон Республикаси Бош вазирининг ўринбосари Ж. А. Қўқоров ва Ўзбекистон Республикаси Марказий банкининг раиси М. Б. Нурмуратов зиммасига юклансин.

Ўзбекистон Республикаси Президенти Ш. МИРЗИЁЕВ Тошкент шаҳри, 2018 йил 23 март

Памела СПРАТЛЕН: «БИЗ ПРЕЗИДЕНТ ШАВКАТ МИРЗИЁЕВНИНГ МИНТАҚАДАГИ ТАШАББУСЛАРИ ВА ФАОЛИЯТИНИ ҚЎЛЛАБ-ҚУВВАТЛАЙМИЗ»

(Давоми. Бошланғич 1-бетда).

Булар мамлакатнинг раҳбари томонидан иқтисодий, суд тизими, қонун устуворлиги, соғлиқни сақлаш ва фуқаролик жамияти жаҳаларида олиб борилаётган ислохотларнинг кенг йўналишларини қўллаб-қувватлашга оиддир. Биз Ўзбекистон ўз иқтисодиёти ва сиёсий тизимини модернизация қилишда давом этишига умид билдираемиз. Айни чоғда Ўзбекистоннинг ақин қўшнлари билан ўзаро алоқалари, хусусан, Афғонистонда тинчликни мустаҳкамлаш ҳамда трансмиллий таҳдидларга қарши курашиш бўйича ишлаш борасидаги саъй-ҳаракатларини юқори баҳолаймиз.

— **Интервьюларингиздан бирида ҳозирги Ўзбекистон гайратга тўла эканлигини эътироф этган эдингиз. Сизнинг фикрингизча, бу айнан нималарда кўринади?**

— Ўзбекистон — меҳмондўст инсонлар яшайдиган ёш, куч-гайратга тўла давлат. БМТ Тараққиёт дастури маълумотларига кўра, бу ерда истиқомат қилувчи аҳолининг 58,5 фоизи ҳали 30 ёшдан ошмаган. Бинобарин, инсон капитални мамлакатнинг энг катта ресурсларидан бири экан, ўйлашмаса, мазкур статистика фақат бир нарсадан, у ҳам бўлса давлатингизнинг келажагидаги саложиятли қувватидан далolat беради! Гайрат ва саложиятнинг бошқа манбалари сифатида эса географик жойлашув ҳамда буюқ тарих ҳисобланади. Айримлар денгизга чиқиш йўлидан икки давлат ҳудуди сабаб узокда жойлашган мамлакат фойда кўрмайди, деб ҳисоблайди. Лекин Ўзбекистон минтақадаги барча мамлакат билан чегарадош бўлган Марказий Осиёнинг ягона давлати сифатида бундан фаяда қатади.

Америка Қўшма Штатлари Жанубий ва Марказий Осиё минтақаси билан иқтисодий алоқаларини кенгайтириш

бўйича ташаббусларни қўллаб-қувватлаб келади. Бу Ўзбекистон ва бутун минтақада иқтисодий ўсиш ҳамда аҳоли турмуш даражасини ошириш ҳисобида ушбу мамлакат саложиятини рўйбга чиқаришда қалит вазифасини бажариши мумкин. Айни чоғда Ўзбекистондаги қадимий Буюқ Ипак йўли-

— **Ўзбекистон Афғонистонда барқарорлик ҳукм суришини қўллаб-қувватламоқда ва унинг келажагида муҳим роль ўйнайди. Бизнинг ҳозирги ҳамда келгусидаги ҳамкорлигимиз Ўзбекистон ва унинг барча қўшниси, шу жумладан, Афғонистонга фойда келтирадиган минтақавий ёндашувларга туртки бўлиши мумкин.**

нинг диққатга сазовор жойлари туризм ва маданий алоқаларни ривожлантириш бўйича катта истиқболларни тақдир этади.

— **Президентимиз Шавкат Мирзиёевнинг минтақавий масалалар ечимидаги роли ҳамда ташаббуслари ҳақида қандай фикрдасиз?**

— Президент Шавкат Мирзиёевнинг Марказий Осиёдаги ҳар бир давлатга ташрифи савдо-сотик, маданий алоқалар ва умумий иқтисодий тараққиётда янги имкониятларни очиб беради. Ўзбекистон ўз қўшнисига чегараларни демаркация қилиш муаммосига очим топиш, савдо ва транспорт коридорларини яратиш, сув ресурсларидан биргаликда фойдаланиш бўйича келишмовчиликларга чек қўйиш ҳамда Фарғона водий-

лари, хусусан, икки нафар Давлат қотиби биргаликдаги саъй-ҳаракатлар билан хавфсизлик ва юксалишни таъминлаш мақсадида Америка Қўшма Штатлари ҳамда Марказий Осиёдаги бешта мамлакатни бирлаштирадиган "С5+1" шаклида ўзаро ҳамкорликда фаолият олиб боришга қақирди. Зотан, АҚШ Ўзбекистон билан ишончли шерик бўлиб турибди. Биз ҳукуматларимиз ва халқларимиз ўртасидаги кўп қиррали алоқаларни юқори баҳолаймиз. Афғонистон раҳбарияти ва афғон томони иштирокида ушбу мамлакатдаги хавфсизлик ва барқарорликни таъминлаш бўйича олиб бораётган саъй-ҳаракатларимиз ҳамда Президентимизнинг Жанубий Осиёга нисбатан янги стратегияси Ўзбекистон томонидан қўллаб-қувватланганини юксак даражада эътироф этагим.

— **Афғонистон бўйича Тошкентда бўлиб ўтадиган халқаро конференция ушбу давлатдаги вазиятни барқарорлаштиришда қандай роль ўйнаши мумкин?**

— Ўзбекистон Афғонистонда барқарорлик ҳукм суришини қўллаб-қувватламоқда ва унинг келажагида муҳим роль ўйнайди. Бизнинг ҳозирги ҳамда келгусидаги ҳамкорлигимиз Ўзбекистон ва унинг барча қўшниси, шу жумладан, Афғонистонга фойда келтирадиган минтақавий ёндашувларга туртки бўлиши мумкин. Яна бир бор таъкидлашни истардимки, Ўзбекистоннинг Жанубий Осиё бўйича стратегияси доирасида Афғонистондаги саъй-ҳаракатларимизга қўшаётган ҳиссасини муносиб баҳолаймиз ҳамда хавфсизликка солинадиган реал трансмиллий таҳдидларга қарши курашишда Ўзбекистон билан ҳамкорлик қилиш тарафдоримиз.

— **Афғонистон бўйича Тошкентда бўлиб ўтадиган халқаро конференция ушбу давлатдаги вазиятни барқарорлаштиришда қандай роль ўйнаши мумкин?**

— **Афғонистон бўйича Тошкентда бўлиб ўтадиган халқаро конференция ушбу давлатдаги вазиятни барқарорлаштиришда қандай роль ўйнаши мумкин?** — Аввало, айтиш керакки, ўтган йил сўнгида Президентлар Трамп ва Мирзиёев телефон орқали мулоқот қилишди. Улар суҳбат давомида минтақавий хавфсизлик, Ўзбекистоннинг Марказий Осиёдаги роли ҳамда унинг Президент Трампнинг Жанубий Осиёга нисбатан стратегияси ва АҚШнинг Афғонистон бўйича саъй-ҳаракатларини қўллаб-қувватлаши муҳокама қилинди. Президент Трамп Ўзбекистоннинг савдо-сотикни кенгайтириш ҳамда террорчилик хужурлари бўйича хавфсизликни ошириш учун шароитларини ислоҳ этишга қаратилган интилишларини эътироф этди. Уз навбатда, АҚШдаги юқори мартабали давлат мулозим-



Дўстлик ришталарини мустаҳкамловчи яна бир лойиха

Ўзбекистон ва қўшни мамлакатлар ўртасидаги алоқалар тора мустаҳкамланмоқда. Президентимиз Шавкат Мирзиёев томонидан олиб борилаётган оқилона сиёсат тўғрисида айрим сабабларга кўра ёпилган чегаралар қайта очилди. Янги йўллар барпо этилди. Буларнинг барчаси азалий жондош ва ёндош давлатлар ўртасидаги савдо-иқтисодий алоқаларни кенгайтириб, тили, дини, урф-одатлари, тўю маъракалари бир бўлган халқлар ўртасидаги илиқ муносабатларнинг кучайишига хизмат қилаёттир.

Этиборлиси, мана шундай ташаббуслар боис, узок йиллар давомида кўриша олмаган ака-укалар, опа-сингиллар ёки фарзандлар ота-онани билан дийдорлашиш бахтига муяссар бўлишди. Қолаверса, улар шу кунларда республикамиз бўйлаб давом этаётган Наврўз тантаналарида қатнашаёпти. Давлатлараро дўстона муносабатлар эзгуликка хизмат қилувчи янги лойихалар рўйбиди ҳам яқол намобн бўлаёттир. Жорий йилнинг 22 март санасидан Тошкент — Бишкек — Балиқчи — Тошкент йўналиши бўйлаб йўловчи поезди қатнови йўлга қўйилгани фикримиз тасдиқидир. Шу муносабат билан Тошкент вокзалида "Ўзбекистон темир йўллари" акциядорлик жамияти томонидан тантанали тадбир ташкил этилди. Унда сўзга чиққанлар алоҳида таъкидлаганидек, охириги йилларда икки давлат раҳбарлари саъй-ҳаракати натижасида Ўзбекистон ва Қирғизистон ўртасидаги алоқалар янги босқичга кўтарилиб, амалда ўз самарасини бераёпти. Мазкур поездлар қатнови бунга мисол бўла олади. Эндиликда икки қардош халқ вакилларига ўз манзилига замонавий поездларда отиб олиш имконияти яратилди.

Дилшод УЛУҒМУРОДОВ, «Халқ сўзи» мухбири. Хасан ПАЙДОЕВ олган сурат.

Санджон МАХСУМОВ сўзбелташди.

Бу йилги Наврўз ҳаётбахш ўзгаришлар билан эсда қолмоқда

Мовий кўкда қушлар чугурлашиб, шўх-шўх қанот қоқади. Соғинган, орзиқиб қутилган ажиб ифोर вужудимизни энтиктиради. Баҳор тароватидан ҳузурланамиз. Табиат бағрида катта шоду хуррамлик, шукроналик билан нишонланаётган Наврўз, унинг эзгуликка йўрилган мазмун-моҳияти янада теранлик касб этади, гўзаллашади...

Шундай шуқулли дамларда Президентимиз Шавкат Мирзиёевнинг Ўзбекистон халқига байрам табриғи қалбимизни янада сурур ва гурурга тўлдирди. Айрим юртдошларимизнинг бу борадаги дил сўзларини ёзиб олдик.

ШУКУХ

Эркин КОМИЛОВ,
Ўзбекистон Республикаси
халқ артисти:

— Бу йилги Наврўз ҳаётбахш ўзгаришлар билан эсда қолмоқда. Айёмни кўтаринкилик билан кўтиб олганимиз, Юртбошимизнинг халқ сайилларида иштирок этгани, Қозоғистон Республикаси Президентини Нурсултон Назарбоевнинг Самарқанд шаҳрига ташриф буюриб, Ўзбекистон халқини Наврўз билан табриклагани бир умр эсда қоладиган воқеалардир.

Давлатимиз раҳбарининг халқимизга йўлаган байрам табриғини жон қулгимиз билан тингладик. Юракдан айтилган самимий сўзлар, эзгу тилаклар қалбимизнинг туб-тубига етиб борди, вужудимизни тўлқинлантириб юборди.

Президентимизнинг ҳар бир фикрида чуқур маъно, ҳаёт ҳақиқати мўжасам аканини теран идрок қилдим. Табриқда қайд этилганидек, шу дилбар фаслда табиатдаги ўзгаришларга уйғун бўлиб, жамиятимиз, ҳаётимиз ҳам ўзга-

риб, янгиланиб бормоқда. Энг муҳими, бу янгиланишлар, ўзгаришлар нафақат мамлакатимизнинг шахару қишлоқлари қиёфасида, балки кайфиятимизда, онгу тафаккуримизда бўй кўрсатмоқда.

Наврўз сайилларида фольклор санъатининг энг яхши намуналарига кенг ўрин берилди, хунармандчилик кўргазмалари, ибратли оила, маҳалла, мактаб, моҳир баҳши, лапарчи йўналишлари бўйича кўрик-танловлар ташкил қилинди, адабий-бадиий учрашувлар, китоб байрамлари ўтказилди. Юртдошларимизнинг юз-кўзидаги мамнунлик, шукроналик кайфияти кучимизга куч қўшиб, кўтаринкилик билан ижод қилишимизга янада ғайрат-шижоат бағишлайди.

Жалил КЕНЖАЕВ,
Жиззах вилоятининг Дўстлик
туманидаги "Манас" қишлоқ
фуқаролар йиғини раиси:

— Юртбошимизнинг байрам табриғини зўр иштиёқ, фахр-ифтихор билан

эшитдик. Ҳар бир сўз, эзгу тилаклар ҳамюртларимиз катори қишлоғимизда яшаётган каттаю кичикни тўлқинлантириб юборди. Президент айтаётган — одамларнинг дарду ташвиши билан яшаш, кексаларга ҳурмат, муҳтож инсонларга эътибор ва ёрдам кўрсатиш, адолат ҳамда халқпарварликка йўрилган ислохотларни, барча соҳада кечаётган туб ўзгаришларни ўз ҳаётингда кўрсанг, бошқача бўлар экан. Таъсирланиб, кўздан ёш чиқиб кетар экан. Биз, "Манас" аҳли қишлоғимиз "Обод қишлоқ" дастури асосида кўркам масканга айлантирилгани ва бу ҳаётимизда чин маънода янги саҳифа очиб берганидан беҳад хурсандимиз.

Бир вақтлар маҳалламиз комплекс тарзда бутунлай ободонлаштирилади, бу ерда шахарлардагидек шарт-шароитлар яратилади деса, тўғриси, ишонқирамай қарардик. Лойсувоқ томлару паҳса деворлар ўрнида пишиқ гишлардан замонавий уйлар қад ростлаши, қишда лой, ёзда чанг кўчалар асфальтланиб, текис ва равон йўлларга айланиши, фарзандларимиз учун кўркам қиёфа касб этган мактабларда замонавий компьютер ҳамда ўқув анжомлари асосида таълим олиш ҳаёлдаги галдек эди. Президентимизнинг олижаноб ташаббуси билан ана шундай эзгу орзуларимиз ҳақиқатга эврилди, фаровон ҳаёт ҳақидаги истагу ниятларимиз рўёбга чиқди.

«Халқ сўзи» мухбири
Дилшод КАРИМОВ ёзиб олди.

ASIA ALLIANCE BANK

«ASIA ALLIANCE BANK» АТБ
жамоаси юртдошларимизни
қадимий ва ҳақиқат
навқирон Наврўз байрами
билан туборанбод этади!
Баҳор нафаси хонадонимизга
кут-барана, халқимизга
фаровонлик олиб келсин!

www.aab.uz
Хизматлар лицензияланган.

KALEON
International Business Press

«KALEON»
жамоаси сизларни
Наврўз айёми
билан самимий табриклайди!
Янгиланиш фасли файзу барака,
хурсандчилик, қувонч, бахт-омад келтирсин.
Юртимиз тинч, осмонимиз мусаффо бўлсин!

Ўзбекистон Республикаси Олий ва ўрта махсус таълим вазирлиги
ТОШКЕНТ ТЎҚИМАЧИЛИК ВА ЕНГИЛ САНОАТ ИНСТИТУТИ

вакант (бўш) профессор-ўқитувчилар лавозимига танлов эълон қилади.

- Машинашунослик ва сервис хизмати кафедраси: катта ўқитувчи, ассистент.
- Табиий толаларни дастлабки ишлаш технологияси кафедраси: доцент, катта ўқитувчи, ассистент.
- Технологик машиналар ва жиҳозлар кафедраси: доцент, катта ўқитувчи, ассистент.
- Чизма геометрия ва ахборот технологиялари кафедраси: катта ўқитувчи.
- Ижтимоий фанлар кафедраси: катта ўқитувчи.
- Ипак ва йиғириш технологияси кафедраси: доцент, ассистент.
- Тўқимачилик материалшунослиги кафедраси: ассистент.
- Костюм дизайни кафедраси: доцент, катта ўқитувчи, ассистент.
- Чарм буюмларини конструкциялаш ва технологияси кафедраси: кафедра мудури, ассистент.
- Педагогика ва жисмоний маданият кафедраси: ассистент.
- Корпоратив бошқарув кафедраси: профессор, доцент, ассистент.
- Тиллар кафедраси: катта ўқитувчи, ассистент.
- Физика ва электротехника кафедраси: катта ўқитувчи, ассистент.
- Олий математика кафедраси: катта ўқитувчи, ассистент.
- Матбаа ва қадоклаш жараёнлари технологияси кафедраси: профессор, ассистент.
- Кимёвий технология кафедраси: доцент, ассистент.
- Технологик жараёнлар ва ишлаб чиқаришни автоматлаштириш ва бошқариш кафедраси: катта ўқитувчи, ассистент.

Танловда иштирок этишни хоҳловчилар ректор номига ариза билан кадрларни ҳисобга олиш бўйича шахсий варақа, дипломлар ҳамда аттестатлар нусхалари, илмий ишлар ва ихтиролар рўйхати, малака оширганлик тўғрисидаги ҳужжатлар нусхаларини топширадилар.

Аризалар эълон чоп этилган санадан бошлаб бир ой муддатда қабул қилинади.

Эслатма: мазукур институтда ишловчи шахслар ўтган муддат бўйича кафедрада ҳисобот берадилар, танловда иштирок этувчилар синов дарслари ўтказадилар.

Манзил: Тошкент шаҳри, Яқкасарой тумани, Шоҳжаҳон кўчаси, 5-уй, 1-бино, 210-хона.
Телефон: (0-371) 253-17-78.

Ўзбекистон Республикаси Маданият вазирлиги ва Алишер Навоий номидаги Ўзбекистон давлат академик катта театри жамоаси Ўзбекистон халқ артисти **Дилбар АБДУРАҲМОНОВ**нинг вафоти муносабати билан марҳумнинг оила аъзолари ва яқинларига чуқур ҳамдардлик билдиради.

«Жамият» ижтимоий-сиёсий газетаси жамоаси тахририятнинг собиқ ходими **Илҳом КАРОМОВ**нинг вафоти муносабати билан марҳумнинг оила аъзолари ва яқинларига чуқур таъзия изҳор этади.

Халқ сўзи
Народное слово

Бош муҳаррир **Ўткир РАҲМАТОВ**

2008 йил 15 январда Ўзбекистон Матбуот ва ахборот агентлигида 0001-рақам билан рўйхатга олинган. Нашр индекси — 229. Буюртма Г — 345. 139 974 нусхада босилди, ҳажми — 2 табоқ, Офсет усулида босилган. Қоғоз бичими А—2. Баҳоси келишилган нарҳда.

ГАЗЕТАМИЗ ХИДАДИГИ МАЪЛУМОТЛАРНИ ҚУСЛАБ ОЛИШ УЧУН QR-КОДИНИ ТЕЛЕФОННИНГ ОРСКИМ СКАНЕРИ БИЛАН...

ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Эълонлар (0-371) 232-11-15.

Тахририятга келган аълолар тақрир қилинмайди ва муаллифга қайтарилмайди.
Газетанинг етказиб берилиши учун обунали расмийлаштирилган ташкилот жавобгар.
Газета тахририят компьютер марказида термиди ҳамда оператор М. Боғмуратов томонидан сақланади.
Газетанинг полиграфик жиҳатда сифатли чоп этилишига «Шарқ» нашриёт-матбаа акциядорлик компанияси масъул. Босмаҳона телефони: (0-371) 233-11-07.

• **МАЅИЛИМИЗ:**
100000,
Тошкент шаҳри,
Матбуотчилар кўчаси, 32-уй.
Навбатчи муҳаррир — Ф. Абилов.
Навбатчи — О. Файзиев.
Мусахҳах — С. Исломов.

«Шарқ» нашриёт-матбаа акциядорлик компанияси босмаҳонаси. Корхона манзили:
«Буюк Турон» кўчаси, 41. ЎзА якуни — 02.07 Топширилди — 02.50 2 3 4 5 6